

三因極一病證方論

六

三因極一病證方論卷第九

曾病證治

病者心下堅滿痞急痛肌中苦痺緩急如刺不得俯仰其胃前皮皆痛手不得犯胃中幅幅而滿短氣欬唾引痛咽塞不利習習如痒喉中乾燥時欲吐嘔煩悶白汗時出痛引微背不治則數日殺人病名曾痞由下虛極氣上控膈使然其脉陽微陰結

言八

括樓圓治曾痞曾中痛微背氣塞喘息咳喘心腹痞悶

括樓 去穢取子炒香熟 枳殼 麸炒去穢 留皮與穢別用 各等分

右二味為細末先取括樓皮穢研末水熬成膏和二物末為丸如梧子大熱熟水下二十五圓日二食後服

橘皮生薑湯治曾痞曾中噫塞幅幅如滿習習如痒喉中澁

咳唾燥末

橘皮 壹兩 枳實 麸炒去穢 生薑 半兩

右為劉散分二服水貳盞前七分為一服去滓食前

言八

栝子湯治曾痞竊痛方此方與倉卒散製不同故別出之

栝子 存性 附子 炮三兩

右為劉散每服三錢水一大盞薤白三寸同煎至五分食前溫服

健忘證治

脾主意與思意者記所往事思則兼心之所為也故論云言心未必是思言思則必是心破外人議思心同時理甚明也今脾受病則意舍不清心神不寧使人健忘尽心力思量不來者是也或曰常常喜忘故謂之健忘二者通治

小定志圓治心氣不定五臟不足甚者憂々愁々不樂忽忽

喜忘朝羞暮劇暮甚朝發及因事有所大驚夢寐不祥登

水本無此方

高涉險致神竟不安驚悸恐怯

芎藭炒

遠志去心姜汁

茯苓

茯神

人參各參

辰砂為衣

右為末蜜圓如梧子大每服五十圓米湯下一方去茯神名開心散飲服二錢匕不以時

芎藭益智圓

治喜忘恍惚破積聚止痛安神定志聰明耳目

芎藭炒

遠志去心姜汁

人參

桔梗炒

牛膝酒浸各

桂心參分

茯苓壹兩

附子炮去皮

附子壹兩

右末蜜圓如梧子大每服三十圓温酒米湯下食前服
虛煩證治

虛煩者方論中所謂心虛煩悶是也大抵陰虛生內熱陽盛生外熱外熱曰燥內熱曰煩此不分而分也傷寒大病不復常霍亂吐瀉之後皆使人心虛煩悶婦人產後多有此病其證內煩身不竟熱頭目昏眩口乾咽燥不渴清之不寐皆虛煩也方例有虛煩近傷寒之說不可不辨又平人自汗小便頻併遺泄白濁皆憂煩過度之所致傷寒屬外因憂煩屬內因霍亂兼不內外因者當辨析而調治

淡竹茹湯

治心虛煩悶頭疼短氣內熱不解心中悶亂及婦人產後心虛驚悸煩悶欲絕

麥門冬去心

小麥各半

甘草炙

人參

白茯苓各壹兩

半夏湯洗七次

右為劉散每服四大錢水二盞姜七片棗三枚淡竹茹一塊如拍大煎七分去滓食前服虛勞煩悶尤宜服之

温膽湯

治大病後虛煩不得眠此膽寒故也此藥主之又治驚悸

半夏湯洗七次

竹茹

枳實炒

陳皮各壹兩

陳皮各壹兩

甘草志雨

茯苓志雨

右為劉散每服四大錢水一盞半姜五片棗一枚煎七分去滓食前服

酸棗仁湯治霍亂吐下增劇虛勞煩擾奔氣在胃中不得眠

或發寒熱頭疼暈悶

酸棗仁抄去兩分

人參

桂心各壹分

知母

茯苓各參錢

石膏煨半兩

甘草炙式錢

右劉散每服四錢水一盞半姜三片棗一枚煎七分去滓食前服

五痿叙論

夫人身之有皮毛血脉筋膜肌肉骨髓以成形內則有肝心脾肺腎以主之若隨情妄用喜怒不節勞佚兼并致內藏精血虛耗榮衛失度發為寒熱使皮血筋骨肌肉痿弱無力以運動故致痿躄狀與柔風脚弱皆相類以脉證并所因別之不可混濫柔風脚氣皆外所因痿躄則屬內臟氣不足之所為也審之

五痿證例

病者肺熱皮虛弱薄者足痿躄其色白而毛敗名曰皮痿由肺熱葉焦使然也肺為五臟長有所失亡所求不得則發肺鳴肺鳴則肺葉焦論曰五臟因肺熱焦發為痿躄
病者心下熱膝腕樞紐如折去而不相提挈脰筋縱緩不能任其地其色赤而絡脉溢名曰脉痿由悲哀太甚陽氣內動數澀血故本病論曰大經空虛發為肌痺傳為脉痿
病者肝熱口苦筋膜乾筋急而挛其色蒼而爪枯名曰筋痿由思想無窮所願不得意淫於外入房太甚宗筋弛縱及為白淫故下經曰筋痿者生於肝使內也

雙
足
必
蓋
反
不
能
行
也

病者脾熱胃乾而渴肌肉不仁其色黃而肉蠕動名曰肉痿
由漸於濕地以水為事居處下澤濡漬痺而不仁故下經曰
肉痿者得之濕地也

病者腎熱腰脊不舉骨枯而髓減其色黑而齒槁名曰骨痿
因有所遠行勞倦遇大熱而渴陽氣內乏熱舍於腎致水不
勝火則骨枯而髓虛故下經曰骨痿者生於大熱也

五痿治法

諸治痿法當養陽明與衝脈陽明主胃乃五臟六腑之海主
潤宗筋束骨以利機關衝脈者諸經之海主滲灌谿谷與陽
明合養於宗筋會於氣街屬於帶脈絡於督脈故陽明虛則
宗筋縱帶脈不引故足痿不用也治之各補其榮而通其輸
調其虛實和其逆順至筋脈骨肉各得其旺時病乃已矣

加味四斤圓 治腎臟虛熱淫於內致筋骨痿弱不自勝持

起居須人足不任地驚恐戰掉潮熱時作飲食无味不生氣
力諸虛不足

茯苓 酒浸 牛膝 酒浸 天麻 木瓜乾

鹿茸 煉去毛切酥炙 熟地黄 羌活子 酒浸通散 五味子 酒浸

右為末蜜丸如梧子大每服五十圓溫酒米湯食前下

一法 不用五味子有杜仲

養角圓 治五痿皮緩毛痺血脉枯槁肌肉薄著筋骨羸弱飲

食不滋庶事不具四肢無力爪枯髮落眼昏唇燥疲憊不
能支持

麋角 生去皮臍 熟地黄 津兩 大附子 生去皮臍

右用大麥米二升以一半藉底一半在上以二布中隔

覆炊一日取出藥與麥別焙乾為末以浸藥酒添清酒
煮麥粉為糊搜和得所拌三千下圓如梧子大每服五

十圓温酒米湯任下食前服

王啓玄傳玄珠先生耘苗丹三方序曰張長沙戒人妄服燥烈之藥謂藥勢偏有所助勝剋流變則真病生焉猶潤苗不長而堰之者也若稟氣受血不強合服此而不服反忽畧之是不耘苗者也

上丹 養五臟補不足秘固真元均調二氣和暢榮衛保神守中久服輕身耐老健力能食明目降心火交腎水益精氣男子絕陽庶事不堪女子絕陰乃不能妊腰膝重痛筋骨衰敗面色黧黑心勞志昏寤寐恍惚煩憤多倦餘瀝夢遺膀胱邪熱五勞七傷肌肉羸瘠上熱下冷難任補藥服之半月陰陽自和容色肌肉光潤悅澤開心憶安魂魄消飲食養胃氣

五味子

半斤百部酒浸一

兔絲子

酒浸別研 肉蓯蓉

杜仲

炒斷

巴戟

去心

遠志

去心

枸杞子

防風

去

白茯苓

蛇床子

少

山藥

栢子仁

別研各

式兩

右爲末蜜丸梧子大食前温酒盪湯任下三十圓春煎乾棗湯夏加五味子四兩四季月加菴容六兩秋加枸杞子六兩冬加遠志六兩食後兼服衛生湯

衛生湯

補虛勞強五臟除煩養真退邪熱順血脉緩中安和

神志潤澤容色常服通暢血脉不生癰瘍養胃益津

當歸

白芍藥

各四兩

黃芪

八兩

甘草

炙去兩

右爲剉散每服四錢水盪半煎七分去滓不以時年老加酒半盪煎

中丹

補百損射劣少氣善驚昏憤上焦客熱中脘冷痰不能

多食心腹弦滿脾胃氣衰精血妄行容色枯悴

黃芪

白芍藥

當歸

各四兩

白茯苓

人參

桂心各三兩 川椒炒出汗 大附子炮去 黃芩各三兩 黃芩各三兩 黃芩各三兩 黃芩各三兩

右為末粟米飲搜和得所搗千杵圓如梧子大酒飲任

下三五十圓食前服

丹

補勞益血去風冷百病諸虛不足老人精枯神耗女子

絕傷斷緒久服益壽延年安寧神志魂魄流滋氣血脈絡

開益智慧釋散風濕耳目聰明筋力強壯肌膚悅澤氣宇

泰定

熟地黄 肉苁蓉酒浸各六兩 五味子 兔絲子酒浸各五兩

栝子仁別 天門冬去心 蛇床子炒 覆盆子

巴戟去心 石斛各三兩 續斷 澤瀉

人參 山藥 遠志去心 山茱萸

葛蒲 桂心 白茯苓 杜仲剉炒絲斷

天雄炮去皮 煉成鍾乳粉扶衰各三兩 續老式兩 常

右為末蜜丸如梧子大食前酒服三十圓至五十圓忌

五辛生葱芫荑鴿鯉虛人多起去鍾乳倍地黄多忘倍

遠志夜苓少氣神虛倍覆盆子欲光澤倍栝子仁風虛

倍天雄虛寒倍桂心小便赤濁三倍茯苓一倍澤瀉吐

逆倍人參

散

治四肢痠痛軟弱行履不便方見中風門

湯

治胃虛不食四肢痿弱行立不能皆由陽明虛

宗筋无所養遂成痿躄

藿香 白朮 白茯苓 神麴炒

烏藥去木 縮砂仁 薏苡仁炒 半夏麴

人參各半 華澄茄 甘草各半

右為麩末每服四錢水一盞半生薑五片棗二枚同煎

七分去滓不以時服

失血叙論

夫血猶水也水由地中行百川皆理則無壅決之虞血之周流于人身榮經府俞外不為四氣所傷內不為七情所鬱自然順適万一微爽節宣必至壅閉故血不得循經流注榮養百脉或泣或散或下而亡反或逆而上溢乃有吐衄便利汗痰諸證生焉十種走失無重於斯隨證別之乃可施治

外因衄血證治

病者因傷風寒暑濕流傳經絡陰陽相勝故血得寒則凝泣得熱則淖溢各隨臟腑經絡湧泄于清氣道中衄出一升一斗者皆外所因治之各有方

桂枝湯治傷風汗下不解鬱于經絡隨氣湧泄衄出清血或清氣道閉流入胃管吐出清血遇寒泣之色必痰黑者

桂心 白芍藥 括樓根 甘草炙 川芎各等分

右為剉散每服四大錢水一盞半姜三片棗一枚煎至七分去滓服頭痛加石膏

麻黃升麻湯治傷寒發熱解利不行血隨氣壅卅謂紅汗者是也

麻黃去節湯 升麻壹兩 黃芩 芍藥
甘草生 石膏煨 茯苓各壹兩

右剉散每服四大錢水一盞半姜三片煎七分去滓熱服微汗解

五苓散治伏暑飲熱暑氣流入經絡壅溢發衄或胃氣虛血滲入胃停留不散吐出一二升許方見傷暑門治衄則以此

麻湯治冒雨着濕鬱于經絡血溢作衄或脾不和濕着經絡血流入胃胃滿吐血

茯苓

乾薑各肆

甘草炙

白朮各貳錢

右為劉散每服四錢水一大盞煎六分去滓服頭疼加川芎二錢最止浴室中發衄

內因衄血證治

病者積怒傷肝積憂傷肺煩思傷脾失志傷腎暴喜傷心皆能動血蓄聚不已停留胃間隨氣上溢入清氣道中發為鼻衄名五臟衄

止衄散治氣鬱發衄无比神方

黃芪陸錢

赤茯苓

白芍藥各叁錢當歸

生乾地黄

阿膠炙各叁錢

右為細末煎黃芪湯調下二錢匕未知再作

不內外因證治

病者飲酒過多及啖炙煖五辛熱食動於血血隨氣溢發為鼻衄名酒食衄或墮車馬打撲傷損致血淖溢發為鼻衄名折傷衄

加味理中圓治飲酒過多及啖炙煖熱食動血發為鼻衄

人參

白朮

甘草炙

乾薑炮

乾葛

川芎各等分

右為劉散每服四錢水一盞煎七分去滓溫服

花藥石散治一切金瘡打撲傷損猫犬咬傷並於傷處搽傳

或內損血入臟腑壅溢作衄及婦人產後敗血不散

花藥石

研細

上色硫黃

研細

右二味拌勻入藏瓶中以紙筋搗黃泥固濟候乾焙令熱透以磚藉用白炭一秤頂上發火燒灰尺候冷取出再研極細諸臟傷及婦人產後瘀血不行並用童子小便溫酒調一二錢匕取瘀血即效

白及不拘多少

右為末冷水調用紙花貼鼻竅中一方用黃膠湯令軟

貼鼻竅中

病者諸血積聚合發為衄而清氣道閉濁道湧溢凝停胃胃中因即滿悶吐出數斗至于一石者名曰內衄或因四氣傷于外七情動于內及飲食房勞墜墮傷損致榮血留聚膈間滿則吐溢世謂妄行

桂枝湯治傷風吐血五苓散治傷暑吐血除濕湯治傷

濕吐血 三方並見外因衄血證治

金匱丹治三因吐血及衄血下血一切血溢妄行

葉子雌黃

右一味為庵末入棗肉內線繫定滿着湯煮用黑錫對雌黃斤兩鎔作汁傾入湯煮一日添湯候冷取出雌黃洗淨乾研為細末却以煮藥棗肉和丸如梧子大每服五七圓黑錫煎湯下 舊方加味黃土湯治衄妄方土棗肉煎

傷胃吐血證治

病者因飲食過度傷胃或胃虛不能消化致翻嘔吐逆物与氣上衝臍胃口决裂所傷吐出其色鮮紅心腹絞痛白汗自流名曰傷胃吐血

理中湯能止傷胃吐血者以其功最理中脘分利陰陽安定

血脉方證廣如局方但不出吐血證者當自知之

人參 白朮 甘草 白薑炮各等分

右為剉散每服四錢水一盞煎七分去滓不以時服或只煮乾姜甘草湯飲之亦妙方見養生必用

肺疽吐血證治

病者因飲啖辛熱燥傷肺血得熱則溢因作嘔吐出血一
合或半升許名曰肺疽傷於府則屬胃傷於臟則屬肺右以
此分不可不究

二灰散治肺疽吐血并妄行

紅棗

和核燒存性

百藥煎

煨各等分

右為細末每服二錢米湯調下

折傷吐血證治

病者因墜閉胸致傷五臟損裂出血停留中脘臟熱則吐鮮
血臟寒則吐瘀血如豆羹汁此名內傷治之各有方

加味甘薑湯治打撲傷損敗血流入胃脘嘔吐黑血或如豆

羹汁

川芎

當歸

白芍藥

百合

水浸荆芥穗各等分

右為剉散每服四錢水一盞酒半盞同煎七分去滓不
以時服

折傷瘀血證治

病者有所墜墮惡血留內或因大怒肝血滯滯停蓄不散兩
脇疼痛脚善痠骨節時腫氣不上皆由瘀血在內治之各
有方

雞鳴散治從高墜下及木石所壓凡是傷損血瘀疑積氣絕

欲死并久積瘀血煩躁疼痛叫呼不得並以此藥利去瘀
血即愈此藥推陳致新治折傷神效

大黃

酒蒸

杏仁

去皮尖

右研細酒一盞煎至六分益裂去滓雞鳴時服次日取
下瘀血即愈若便竟氣絕不能言取藥不及急擊口開
以熱小便灌之

病餘瘀血證治

病者或因發汗不徹及吐衄不盡瘀蓄在內使人面黃唇白大便黑脚弱氣喘甚則狂悶皆瘀血所致治之各有方

犀角地黃湯治傷寒及溫病應發汗而不汗內蓄為瘀血及鼻衄吐血不盡餘血停留致面黃大便黑

犀角 壹兩

生地黄

剉兩

芍藥

參兩

牡丹皮

貳兩

右為劉散每服四錢水一盞半煎七分去滓狂者加大黃二兩黃芩三兩其人脈大來遲腹不滿自言滿為无熱但依方不須加也

汗血證治

病者汗出正赤汚衣名曰汗血皆由大喜傷心喜則氣散血隨氣行婦人產褥多有此證

葶草汁治產婦大喜汗出汚衣赤色及骨淋尿血

葶草 不拘多少

右搗取汁二升醋二合和空腹飲一盃或濃煮汁飲亦

治淋瀝尿血

便血證治

病者大便下血或清或濁或鮮或黑或在便前或在便後或與泄物並下此由內外有所感傷凝停在胃隨氣下通亦妄行之類故曰便血

伏龍肝湯治先便後血謂之遠血兼治吐衄

伏龍肝 半斤

甘草 炙

白朮

阿膠

乾地黄 千金作乾姜

黃芩 各參兩

右為劉散每服五錢水一盞煎七分去滓空腹溫服

一法有附子參兩炮入

當歸赤小豆散治先血而後便謂之近血

赤小豆

伍兩浸令芽出曬乾一法焚令折

當歸壹兩

右為末漿水服方寸匕日三四服

風痢下血證治

病者因風停於膚腠乘虛入腸胃風動血故便清血或下瘀血注下無度名曰風利古方以此為蠱痢非也

胃風湯

治大人小兒風冷乘虛入客腸胃水穀不化泄瀉注下及腸胃濕毒下如豆汁或下瘀血日夜無度

人參

白茯苓

芎藭

桂心

當歸

白芍藥

白朮

右等分為剉散每服四錢水一盞半入粟米百餘粒同煎七分去滓空心稍熱服

料簡

夫便血有腸痔蠱毒熱痢酒痢血枯肺痿等別有門類其如

風痢亦當在痢門以純下清血故附于此不可不知

尿血證治

病者小便出血多因心腎氣結所致或因憂勞房室過度此乃得之虛寒故養生云不可專以血得熱為洩溢為說二者皆致尿血與淋不同以其不痛故屬尿血痛則當在血淋門

髮灰散

治小便尿血或先尿而後血或先血而後尿亦遠近之謂也

髮灰

本草云能消瘀血通關格利水道破癥瘕腫

右一味每用二錢以米醋二合湯少許煎服并花水調

亦得兼治肺疽心衄內崩吐血一兩口或舌上血出如

針孔若鼻衄吹內立已一法搜攪燒灰米飲調下大治

大小便下血又一法同葵子等分為末飲服二錢治轉

胞尤妙

調

遺方考

三百十

玉屑膏治尿血并五淋砂石疼痛不可忍受者

黃芪

人參 各等分

右為末用蘿蔔大者切一指厚三指大四五片蜜淹少時蘸蜜炙乾復蘸尺蜜二兩為度勿令焦炙熟點黃芪人參末喫不以時仍以塩湯送下

癥瘕證治

癥瘕積聚隨氣血以分門故方云以癥瘕屬肝部積聚屬肺部不亦明矣况七者火數屬心蓋血生於心八者木數屬肝蓋血歸於肝雖曰強分理似不混夫癥者堅也堅則難破瘕者假也假物成形然七癥八瘕之名經論亦不詳出雖有蛟龍蛇鱉肉髮蟲米等七證初非定名偶因食物相感而致患耳若婦人七癥八瘕則由內外不內外因動傷五臟氣血而成古人將婦人病為痼疾以蛟龍等為生瘕然亦不必如此執泥婦人癥瘕並屬血病龍蛇魚鱉等事皆出偶然但飲食間誤中之留聚腹臟假血而成自有活性亦猶水微中僧病噎者腹有一物其狀如魚即生瘕也與夫宿血停凝結為塊雖內外所感之不同治法當以類相從所謂醫者意也如以敗梳治蟲瘕銅屑治龍瘕麩蘖治米瘕石灰治髮瘕如此等類方論至多不復繁引學者可以理解

大消石圓

治七癥八瘕聚結塊及婦人帶下絕產并欲服

丹藥腹中有癥瘕者當先下之此藥但去癥瘕不令人困

消石

陸兩

大黃 捌兩

人參

甘草 各叁兩

右為末以三年苦酒三升置銅器中以竹作准每一升作一刻挂器中先內大黃常攪不息使微沸盡一刻乃內餘藥又盡一刻極微火熬使可元則圓如雞子中黃若不能服大圓則作小圓如梧子大米湯下三十圓四

不製作
胚壞

別本
大圓

別本
極微火熬

日一服婦人服之或下如雞肝或如米泔正赤黑等三
二升下後忌風冷自養如產婦

小三稜煎治食癥酒癖血癥氣塊時發刺痛全不思食及積
滯不消心腹堅脹痰逆嘔噦酢吞酸脇肋刺痛胃膈痞
悶并脾氣橫也

京三稜

蓬莪木

各肆兩

芫花

壹兩去

右同入甕器中用米醋伍升浸滿封器口以灰火煨令
乾取出稜木將芫花以餘醋炒令微焦焙乾為末醋糊
九如菉豆大每服十五圓生姜湯下婦人血分男子脾
氣橫也腫滿如水用桑白皮煎湯下存者通靈之味方

三聖圓

治積年癥瘕癖塊諸藥療理不差至効

舶上硫黃

壹兩

水銀

半兩

硃砂

去砂石壹分

右參物乳盆內衮研如粉却以生鐵鈹內用文武火熬
鎔成汁以火筋攪令勻停冷刀刻下以帛裹置地坑內
埋一宿取出再研細次以

赤芍藥

當歸

荆三稜

蓬莪木

紅花

各壹分

並細剉以法酒壹升煎及一半漉出砂盆內研生布裂
汁再熬放冷入飛羅麵為糊搜圓如菉豆大治因產後
傷於飲食結伏在腹脇時發疼痛不可忍者當歸浸酒
壹升逐旋取酒煖下七圓至十圓每服磨癖塊空心溫
酒下參圓至伍圓所是藥滓裂了焙乾為末別入

乾地黄

兩

真蒲黃

芫花

各壹分醋炒焦黃

右為末以前一般糊圓如菉豆大治女人血臟冷氣攻
心疼及一切血疾溫酒下拾圓

宣握七圓

治臟腑宿蘊風冷氣血不和停滯宿飲結為癥瘕

坯塊及婦人血癥腸胃中塞飲食不下欬逆脹滿及下痢

赤白霍亂轉筋及踈躄拳攣腰脊脚膝疼痛行步不能常服建脾暖胃堅骨強陽

神麴半斤炒黃 大附子貳隻炮去皮臍 甘草貳兩炙

右末蜜丸每左手壹握分作七圓每服一圓細爵米飲下

應州

治諸臟氣虛積聚煩悶及飲食中蠱毒或食水陸菓

麻子入腹而成虫蛇魚鱉或宿食留飲婦人產後敗血

不消女子月水不通結為癥瘕時發寒熱唇口焦黑肢躄

瘦削嗜卧多噎食少腹痛大便糟粕變成冷痢

附子肆箇陸柒錢重者生去皮臍剉作危入粥砂共煮兩七錢半麴劑裏煨熟去麴不用

萹撥 木香煨 青皮 破故紙炒各參兩半

右為末麴糊搜丸如梧子大每服三十圓生姜搗皮湯

下泄利米湯下加至五十圓

癩痢叙論

夫癩痢病皆由驚動使臟氣不平鬱而生涎閉塞諸經厥而乃成或在母胎中受驚或少小感風寒暑濕或飲食不節逆於臟氣詳而推之三因備具風寒暑濕得之外驚恐震攝得之內飲食飢飽屬不內外三因不同忤氣則一傳變五臟散及六腑溢諸絡脉但一臟不平諸經皆閉隨其臟氣證候殊分所謂象六畜分五聲氣色脉證各隨本臟所感所成而生諸證古方有三癩五臟癩六畜癩乃至一百二十種癩以其稟賦不同臟腑強弱性理躁靜故諸證蜂起推其所因無越三條病由都及矣

癩痢證治

病者旋暈顛倒吐涎沫搐搦騰踴作馬嘶鳴多因挾熱着驚心動膽攝鬱涎入心之所致也名曰馬癩以馬屬在午羊少陰君火主之故其病生于心經病者暈眩四肢煩疼昏悶

宜看母
忽

引老仙流

別本云猪痢心
猪信之之之
信肝風木之
其故病生肝
与之不月以
与

別本云猪痢心

攔倒掣縱吐沫作羊叫聲多因少小臍瘡未愈數洗浴濕襲脾經之所致也名曰羊癇以羊屬未坤位足太陰濕土主之故其病生于脾經病者昏暈攔倒兩手頻伸叫作雞聲須臾即醒醒後復發多因少小燥氣傷胃煩毒內作鬱涎入胃之所致也名曰雞癇以雞屬酉足陽明燥金主之故其病生于胃經病者眩暈攔倒眼目相引牽縱急強作猪叫鳴吐涎沫食頃方已多因少小吐利挾風之所致也名曰猪癇以猪屬亥手厥陰心胞風木主之故其病生于右腎經病者眩暈攔倒目反口噤癆縱吐沫作牛吼聲多因少小濕熱傷肺涎留肺系遇燥熱則發動名曰牛癇以牛屬丑手太陰濕土主之故其病生于肺經

六珍丹

治風癇失性攔倒欲死或作牛吼馬嘶雞鳴羊叫猪

嗥等聲臍臟相引氣爭掣縱吐沫流涎久而方蘇

通明雄黃

葉子雌黃

朱鑽真珠

鈎或兩熟

丹砂半兩

水銀壹兩半

右研令極勻蜜丸如梧子大每服參圓至五圓薑棗湯下須搗二三萬杵乃可圓

蠶丹治五癩百癩無問陰陽冷熱

蠶丹

晉礬各壹兩

右用塼鑿一窠可容貳兩許先安丹在下次安礬在上以白炭五斤煨令炭尽取出細研以不經水猪心血為圓如菘豆大每服十圓至二十圓橘皮湯下

大鎮心丹

治一百二十種癩癩驚狂謔妄攔倒昏不知人噴

吐涎沫及治心驚膽寒清清不睡或左脇偏疼

辰砂

用黃松節酒煮

龍齒

用遠志苗醋煮

右只取辰砂龍齒各等分為末猪心血為丸如雞頭大

每服壹圓以麥門冬葉葶苈燈心生薑白蜜水煎豆熟
為度臨卧嚥下小兒磨化半圓量歲數與之

蛇黃丹治五臟六腑諸風癩癩癰癰縱吐涎沫不識人及小兒
急慢驚風

蛇含

肆枚建盞內煨紅以
楮樹汁煮乾

天南星炮

白附子

辰砂

別研

麝香

別研各
半兩

右為末糯米糊丸如梧子大每服溫湯磨化壹圓量大
小與服大人嚼細三五圓溫酒米湯任下

凡例

夫五臟合屬五臟而無腎有胃者以腎屬鼠非畜養物神無
主治故不作癰胃屬雞係六畜物故有象兼胃為五臟海非
餘府比又犬屬戌手少陽小腸經主之雖屬六畜初無犬癰
者以辰戌為魁罡四殺沒處不與癰象古方類例未之究也

李者宜知之

狂證論

夫三陽并三陰則陽虛而陰實故癩三陰併三陽則陰虛而
陽實故狂論曰陽入陰其病靜陰入陽其病怒怒則狂矣病
者發狂不食棄衣奔走或自稱神聖登高笑歌踰牆上屋所
至之處非人所能罵詈妄言不避親屬病名狂多因陽氣暴
折畜怒不決之所致故經曰陽明常動太陽少陽不動不動
而動為大疾此其候也

鎮心丹治心氣不足病苦驚悸自汗心煩悶短氣喜怒悲憂
悉不自知亡魂失魄狀若神靈所憑及治男子遺泄女子
帶下

光明辰砂

研

白礬

煨汁
各等分

右為末水丸如雞頭大每服壹圓煎人參湯下食後服

列本傳集卷
見虛心

治憂思惡慮過多致神志不寧魂魄失守虛陽外
泄則自汗嘔吐瀉利頻數諸陰不生則語言重複必悸眩
暈兼治大病後虛煩不得眠羸瘦困乏及婦人胎前產後
悉能主之常服安心神調血脈鎮驚補虛

黃芪蜜炙 茯神 人參 酸棗仁炒

熟地黄各壹兩 遠志去心炒 五味子 栝子仁各半兩別研

右為末蜜丸如梧子大用辰砂為衣每服三十圓米湯
溫酒任下盜汗不止麥麩湯下亂夢失精人參龍骨湯
下卒暴心痛乳香湯下肌熱虛煩麥門冬湯下吐血人
參卷栝湯下大便下血當歸地榆湯下小便尿血赤茯
苓湯下中風不語薄荷牛黃湯下風癩涎潮防風湯下

醫論亦治狂方見癩癩門

凡傷寒陽毒及蓄瘀血皆發狂各見本門

九痛叙論

夫心痛者在方論則曰九痛內經則曰卒痛種種
不同以其痛在中脘故摠而言之曰心痛其實非心痛也若
真心痛則手足青至節若甚且發晝死晝發夕死不在治療
之數方中所載者乃心主包絡經也若十二經絡外感六淫
則其氣閉塞鬱于中焦氣與邪爭發為疼痛屬外所因若五
臟內動汨以七情則其氣痞結聚于中脘氣與血搏發為疼
痛屬內所因飲食勞逸觸忤非類使臟氣不平痞鬲于中食
飲適症變亂腸胃發為疼痛屬不內外因治之當詳分三因
通中解散破積潰堅隨其所因無使混濫依經具錄諸證以
備治法云尔

外所因心痛證治

足厥陰心痛兩脇急引小腹連陰股相引痛手心主心痛微

心痛

背心煩掌中熱咽乾目黃赤脇滿足太陰心痛腹脹滿漉漉
然大便不利鬲閉咽塞手太陰心痛短氣不足以息季脇空
痛遺失無度曾滿煩心足少陰心痛煩劇面黑心懸若肌曾
滿腰脊痛背輸諸經心痛心與背相引心痛徹背替痛徹心
諸府心痛難以俛仰小腹上衝卒不知人嘔吐泄瀉此皆諸
經諸俞諸府涉邪所致病屬外所因

內所因心痛證治

肝心痛者色蒼蒼如死灰狀終日不得太息真心痛者手足
青至節旦發夕死夕發旦死脾心痛者如針錐刺其心腹蘊
蘊然氣滿肺心痛者若從心間起動作痛益甚色不變腎心
痛者與背相引善癆如物從後觸其心身偃偃胃心者腹脹
滿不下食食則不消皆臟氣不平喜怒憂鬱所致屬內因

不內外因心痛證

久積心腹痛者以飲啖生冷菓實中寒不能消散結而為積
甚則數日不能食便出乾血吐利不定皆由積物客於腸胃
之間遇食還發名積心痛及其臟寒生虺致心痛者心腹中
痛發作腫聚往來上下痛有休止腹熱涎出病屬不內外因
方證中所謂九種心痛曰飲曰食曰風曰冷曰熱曰悸曰虫
曰注曰去來痛者除風熱冷屬外所因餘皆屬不內外更婦
人惡血入心脾經發作疼痛尤甚於諸痛更有卒中客忤鬼
擊尸疰使人心痛亦屬不內外因

三因心痛摠治

蜜附湯 治心腹疼痛或吐或泄狀如霍亂及療冒浚濕寒賊
風入腹拘急切痛

附子

生去皮臍切作四片以白蜜煎令
附子變色以湯洗去蜜切半兩

桂心

各參

甘草

炙肆錢

右為剉散每服四大錢水壹盞薑五片棗二枚煎七分去滓食前大便秘結入白蜜半匙同煎

麻黃桂枝湯

治外因心痛惡寒發熱內攻五臟拘急不得轉

麻黃

云節湯桂心

白芍藥

細辛 去苗

乾薑 炮

甘草 炙各

半夏

湯洗七次

香附

炒去毛

右為剉散每服四大錢水壹盞半姜五片煎七分去滓食前服大便秘入大黃如博碁大兩枚煎

加味小建中湯

治心腹切痛不可忍按輕却痛按重則愈皆

虛寒證服熱藥并針灸不差此藥主之

桂心 炙三分

甘草 炙半兩

白芍藥

煮兩遠志 去心

增方有桂兩

雞古香散

治心腹卒痛安胃進食調治熱定泄瀉老少通用

丁香 壹百枚

甘草 半兩

高良薑

壹兩白芍藥 貳兩

右為細末每服二錢匕陳米飲調下空心食前服王啓玄子序云初余為禁隊因此證處與御醫使令施用後至富貴乃由此始

訶子散

治心脾冷痛不可忍一服見效及老幼霍亂吐瀉其

効如神

訶子 炮去核

甘草 炙

厚朴 姜製

乾薑 炮

草菓 去皮

陳皮

良薑 炒

茯苓

神麴 炒

麴蘖 炒各

右為末每服二錢候發刺不可忍時用水壹盞煎七分入鹽服如速則鹽點

九痛固

治九種心痛虫痛疰痛風痛悸痛食痛飲痛冷痛熱

痛往來痛兼治卒中惡腹脹痛口不能言又治連年積冷流在心胃并冷腫痛上氣落馬墜重瘀血等疾

別本無

乃此方

此方功効甚大
凡患此症者
宜早服之
以免延誤

附子參兩炮 狼毒炙香

巴豆去皮心膜 吳茱萸浸洗各

右為末煉蜜丸如梧子大每服空腹溫酒下三圓卒中惡心痛不能言服三圓

蘇合香圓治傳屍骨蒸瘡瘰肺痿疰忤鬼氣卒心痛霍亂吐利時氣鬼魅瘡瘻赤白暴利痰血月閉痰癖丁腫驚癇鬼忤中人小兒吐乳大人狐狸等病方

蘇合香油入安息香內 薰陸香研別 龍腦各壹 白朮

丁香 朱砂研水 青木香 白檀香

沉香 烏犀銹 安息香別為末用无灰

香附子去毛 訶子煨去 麝香 華撥各貳兩

右為末用安息香等膏同煉蜜旋丸如梧子大早朝并花水溫冷任意化下肆圓老人小兒壹圓溫酒化服亦

得辟邪用蠟紙裹壹圓如彈子大縫袋盛帶之

撞氣阿魏圓治九種心痛五種噎疾痰癖氣塊冷氣攻刺及脾胃停寒胃滿膨脹腹痛腸鳴嘔吐酸水丈夫小腸氣婦人血氣血刺等

阿魏貳錢半酒浸壹 胡椒貳錢半 甘草炒

茴香炒 川芎 青皮 陳皮

丁香皮炒 蓬朮各壹 縮砂仁 桂心

白芷炒各 生薑肆兩切作片用鹽壹

右為末阿魏糊為圓如雞頭大每藥壹片用朱砂柒錢為衣丈夫氣痛炒薑鹽湯下貳粒至參粒婦人血氣醋湯下常服茶酒任下貳粒並嚼細嚼食前

倉卒散治氣自腰腹間攣急疼痛不可屈伸腹中冷重如石痛不可忍白汗如洗手足冰冷久不差垂死方

研

此方功効甚大
凡患此症者
宜早服之
以免延誤

地

本卷二百廿二

山梔子

肆拾玖箇連皮燒半過

附子

壹枚胞去皮

右爲末每服貳錢酒壹小盞入鹽少許煎七分溫服又治胃痞切痛

失笑散

方見前疝門

三因極一病證方論卷之九



